

Human Computer Interaction (Hindi mein)

Professor Rajiv Ratn Shah

**Department of Computer Science and Engineering
Institute IIT Madras**

Panel Discussion: Ethics, Techniques, and Analysis in Data Gathering

Lec26

[Sangeet] Hello main Harmehar aap sabka is panel charcha mein swagat karta hoon. Aaj ki charcha ka sheershak IRB rahega. Is charcha mein mere saath rahenge Rahul aur Devaj. Toh koi bhi anusandhan ya research shuru karne se pehle humein zaroorat hoti hai ek IRB ki. Toh IRB jo hota hai woh Institutional Review Board kaha jaata hai ya phir sansthaगत sameeksha board bhi kaha jaata hai. Yeh humein data ikattha karne mein, data ko store karne mein ya phir data ka istemal karne mein kuch guidelines deta hai jiske kaaran ki humein data ka sahi upyog karna zaroori hota hai. IRB ke saath fayda yeh bhi rehta hai ki jo bhi aapke pratiyogita ya pratinidhi hain is research ke unke adhikaron ko sunishchit kiya jaata hai aur saath hi yeh humein kisi bhi data ko naitikta ke saath bina ulanghan kiye store karne ki bhi guidelines provide karta hai. Is prakriya mein sabse mahatvapurna baat hoti hai pratibhagiyon ki sehmati. Kisi bhi jaankari ko ekatra karne se pehle yeh sunishchit kiya jaata hai ki pratibhagi swechha se poori jaankari ke saath apni bhagidari ke liye sehmat hai. Unhein yeh bataya jaata hai ki unka data kis uddeshya se istemal kiya jayega aur kahan-kahan par istemal kiya jayega. Doosri aham baat hai data ki suraksha. IRB yeh sunishchit karta hai ki koi bhi data jo aap pratiyogi se judi hui collect kar rahe hain woh ek sahi jaankari ke roop mein prastut kiya jaaye aur store bhi kara jaaye. Iske saath hi agar shodh mein sanvedansheel ya kamzor samoohon ki bhagidari hai jaise ki bachhe, bujurg ya koi samajik roop se haashiye par khada samudaay toh unke saath vishesh dhyanpoorvak aur poori naitikta ke saath vyavahar kiya jaana zaroori hai. Aur ant mein agar aapki study bade paimane par ki jaa rahi hai toh pratibhagiyon ki pehchan gopniya rakhna aavashyak rehta hai. Isse pratibhagi nisankoch hokar apni rai de sakte hain aur apne vichaar prastut kar sakte hain jo ki aapki research ki naitikta tatha vishvasniyata badhata hai. Toh jaante hain ki IRB approval itna mahatvapurna kyun hota hai? Toh IRB approval kisi bhi research ke liye bahut hi critical ya anivarya maana jaata hai. Kyunki yeh sure karta hai ki jo bhi data collect kiya jaa raha hai ya jis bhi user ka data collect kiya jaa raha hai woh ek proper way mein aur proper format mein aur asal tarike se hi collect kiya jaa raha hai. Jiske saath koi bhi pratiyogi ya jo bhi aapka user hai uski koi bhi gopniya information aap leak nahi kar rahe aur tatha iski jo bhi aap use kar rahe hain usmein iska user ke adhikaron ko raksha aur equivalence dekar aapne collect kara hai. Sochiye agar bina IRB approval ke research ki jaaye aur ek aise samudaay par study ki jaaye jinke paas education ya awareness ka abhav nahi hai toh ho sakta hai ki unse bina unki marzi ke data le liya jaaye ya unka galat istemal ho sake. Jaise ek example lete hain ki agar kisi ne rural area ya phir

gaon mein kisi school ke bachhon par ek psychological study karni hai aur bina unke parents ko jaankari ya unki consent se koi bhi aisa practical ya research study kari jaati hai toh yeh clearly bahut unethical cheez hai. Aisi hi cheezon ko prevent karne ke liye IRB mandatory kiya jaata hai. Doosri baat data protection par aaj ke samay mein data ek bahut hi personal aur valuable cheez ban chuki hai. IRB yeh ensure karta hai ki participant ke personal data ko misuse na kiya jaaye aur woh proper encrypted system ya protected servers par hi store kara jaaye. Jaise agar kisi medical study mein HIV positive patients ka data collect ho raha hai aur woh leak ho gaya toh us participant ki personal life khatre mein pad sakti hai. Isliye IRB ki baat ki IRB is baat ki bhi pushti karta hai ki aise sensitive data ke liye ek kuch strict protocols banaye jaayein aur woh data ek bahut secured format mein store kara jaaye. Teesri aur bahut important baat aati hai vulnerable populations ki protection ki. IRB ka role yahan aur bhi critical ho jaata hai. Kyunki kuch bachhe jaise mentally challenged log ya socially backward communities inke saath ki jaa rahi research mein special ethical guidelines apply hoti hain. Jaise ki kisi ne tribal community ke saath traditional health practices par study karni ho toh bina unke culture aur context ko samjhe sirf data lena unethical hoga. Aur aakhir mein IRB approval research ko legitimacy aur credible banata hai. Agar aap kisi journal mein apne paper publish karna chah rahe hain ya phir kisi bhi achhi conference mein apna paper publish karna chah rahe hain toh woh sabse pehle yeh poochte hain ki aapki study kya IRB approved hai ya nahi? Toh in sab reasons ki wajah se IRB approval kisi bhi research ke liye na sirf ki ek formal process balki ek ethical foundation bhi hai jo research ko responsible, fair aur participant friendly banati hai. Question banate hi researchers bahut saari galtiyen karte hain. Aisi kya aam galtiyen hain jo researchers IRB approval lete hue karte hain? Sure. Toh ek researcher ke roop mein jab hum survey ke liye questionnaire ya forms banate hain toh IRB approval ke dauran kuch common challenges face karne padte hain jo na sirf research ke process ko slow karte hain balki kabhi-kabhi IRB rejection mein bhi humein uska result face karna pad sakta hai. Sabse pehla aur bahut common issue hota hai question ki framing. Kayi baar researchers kuch sensitive questions directly apne user se pooch lete hain. Jaise ki aapki salary kitni hai? Kya aap kisi mental illness ya maansik rog se suffer kar rahe hain? Ya pehle kabhi aapne kisi mental challenge ko face kara ho ya aapke religious beliefs kya hain? Bina proper context ke. Bina yeh mention kare ki yeh saare questions ka uttar dena aapke liye anivarya nahi hai. Yeh unke yaani ki user ke upar depend karta hai ki woh inka answer dena chah raha hai ya nahi. Doosra issue hai technical ya difficult language ka use. Kayi baar questionnaires academic style mein likhe jaate hain jismein terms hote hain jaise ki cognitive dissonance ya affective behavior jo har participant nahi samajh paata. IRB yeh check karta hai ki jo bhi language use ho woh aam aadmi ke samajh mein aa sake aur saath hi woh yeh bhi sunishchit karta hai jo IRB ka form hai ya jo bhi aap questions poochne lage hain woh ek chhote bachhe se lekar ek bade boodhe vyakti tak sabko samajh aa sake. Teesra major jo ek aur problem log face karte hain woh hai consent form ka unclear hona ya uski absence. Kayi researchers sirf ek line likh dete hain. Aapka jo bhi data hai woh confidential rahega. Lekin IRB chahta hai proper explanation. Jaise data kahan store hoga? Kis format mein hoga? Kaise encrypted hoga? Plain text mein hoga. Agar encrypt kar rahe hain toh kis tarah se encryption hogi? Kitne time ke

liye rakha jayega? Kya future mein kisi aur research ke liye aap isko use karenge aur agar karenge toh kaise use karenge? Agar yeh sab clearly nahi diya gaya hota toh IRB reject kar deta hai. Ek aur mistake hoti hai participant anonymity ki. Aur data confidentiality ko bahut lightly lena. Toh participant anonymous hota hai ki aap kisi bhi participant ya aapke user ka naam ya uski koi bhi personal jaankari public nahi kar sakte. Agar study large scale hai ya identifiable data collect kiya jaa raha hai toh IRB ko assurance chahiye hota hai ki participant ki identity kisi bhi form mein public nahi hogi. Agar anonymity maintain nahi ho paa rahi ho toh iska valid justification dena padta hai. Aur haan, ek important baat kayi baar researchers pehle se existing questionnaires ka use kar lete hain jo kisi publication ya tool se liya gaya hota hai. Lekin unhein copyright ya license ke baare mein clarity nahi hoti. Agar aap kisi standardized scale ka use kar rahe hain toh ya toh proper attribution do ya license lo warna IRB isse aapko plagiarism ka ya copyright violation maan sakta hai. Toh overall dekha jaaye toh IRB approval na sirf ki ek scientific ya academic perspective se sochna kaafi hota hai balki ethically aur zyada insaanियat ki taraf dekhte hue bhi ise banaya jaana chahiye. Participant ki respect, unki privacy aur unka comfort sabse important role play karta hai. Iske liye IRB approval humein reputation aur legal risk se kaise bachata hai? Dekhiye jab aap kisi human participant ke saath ek research karte ho chahe woh ek chhota feedback form ho ya ek detailed health survey toh aap directly ek legal responsibility le rahe hote hain. Agar aapne bina consent ke data collect kar liya ya data misuse ho gaya toh is saare ka legal action aap hi ke upar aayega. Koi bhi aapka participant us cheez ke liye complaint file kar sakta hai. Aur agar aap kisi university ya institution se jude hain toh unki reputation bhi kharab hoti hai. Is kaaran IRB approval isi risk se bachata hai humein. IRB yeh ensure karta hai ki aapki research har step pe ethical ho. Jaise participant se written informed consent lena. Unhein clearly batana ki unka data kaise aur kahan par use hoga. Sensitive data ko securely store karna. Unhein kabhi bhi study chhodne ka option dena. Agar yeh sab pehle se document karke rakhte ho aur IRB se approval lete hain toh agar baad mein koi issue uthta bhi hai toh aapke paas proof hota hai ki aapne sab kuch legally aur ethically kiya hai. Chaliye ek example ke madhyam se hum isse samajhne ki koshish karte hain. Maan lijiye aap ek college mein students ka stress level par ek study karni chah rahe hain. Aapne bina consent ke unka class performance data bhi include kar liya bina unki knowledge ke ya bina unki consent ke. Baad mein ek student ko yeh baat pata chal jaata hai aur woh complaint kar deta hai ki uski privacy jo hai woh violate ho rahi hai. Agar aapke paas IRB consent liya hota aur participant ko anonymity di hoti toh aisi situation mein aap legally bahut safe rehte hain aur aapke institution ka naam bhi kharab nahi hota. Par kyunki aapne yahan par IRB ki approval nahi li hui thi. Consent form nahi bharwaye hue the. Isliye aapke against ek legal action bhi liya jaa sakta hai aur aap jis bhi university ya institute mein kaam kar rahe the uske naam par bhi ek dhabba lag sakta hai aur sirf law hi nahi public trust bhi ek bada factor hai. Agar kisi institution ka naam ethical violations ke chalte media mein aata hai toh log uski credibility par sawaal uthana shuru kar dete hain. IRB approval yeh trust banaye rakhne mein madad karta hai. Specially jab aap large scale ya cross cultural studies kar rahe ho toh conclude karte hue IRB approval lena sirf ek formality nahi ek protective shield hai jo aapko legal pareshaniyan, participants ki complaints aur negative ya buri

publicity se bachata hai. Yeh proof hai ki aapki research responsible, ethical aur legally sound hai. Toh chaliye ab baat karte hain ki alag-alag techniques ki jo humein ek data ikattha karne ke kaam aati hain. Sabse pehle humein ek tarika dhoondna hota hai jo humein data ikattha karne mein sahayak rahega. Kaise hum interviews lenge? Agar interviews lenge toh kya woh structured honge? Semi-structured honge ya unstructured honge. Aage hamare paas hoti hai kuch observations jo ki humein sandarbh vishisht vivaran karne ke kaam aati hain. Yeh sab ek saath milkar humein yeh tay karne mein madad karte hain ki hum kaise interviews lenge. Agar hamare paas aate hain questionnaires jahan hum yeh nirnay lete hain ki kaise sawaal hum poochenge apne participant se woh humein zyada se zyada information ikatthi karne ke liye sahayak rehte hain. Humein ek questionnaire banate hue usmein pooche gaye sawalon ka dhyan rakhna hota hai ki kis-kis prakar ke sawaal pooche jaa rahe hain. Toh kuch vastavik chunautiyon ki baat karte hain. Jaise ki pratiyogiyon mein santulan banana, unhein sahayak banana, data ki quality saath hi mein kuch technology ka prayog jiske saath hum apne data mein zyada se zyada information daal sakein. Data ikattha karte samay kuch halke upkaranon ka istemal bhi kiya jaata hai. Jaise ki kuch mics, kayi baar recorder, kayi baar pen aur paper jis pe aap questionnaire fill karwayenge ya phir kayi baar aapka phone ya laptop ka recorder jismein aap interviews ko record karte hain. Apne project mein data gather karne ke liye hum kaun se tarike chune aur agar chune toh kaise chune? Yeh ek bahut hi achha aapka prashn hai jo ki data gathering se related hai. Data gathering technique choose karna research ka ek bahut hi mahatvapurna hissa hota hai kyunki yeh decide karta hai ki jo bhi humein data mil raha hai uski quality kaisi rahegi aur kya woh hamare research objectives ke saath align bhi kar rahi hai. Kya jo hum data gather kar rahe hain uske saath hamare research objectives fulfill ho paa rahe hain ya nahi? Sabse pehla step hai research questions ko samajhna. Matlab aapka project kya hai? Kya aap qualitative data chahte ho ya phir aap quantitative data chahte ho? Qualitative data jahan logon ki feelings, experiences ya opinions samajhne hain ya phir quantitative data jismein aapko numbers ya measurable koi bhi quantity chahiye. Agar aapko emotions ya personal experiences samajhne hain toh interviews ya focus groups best rehte hain. Kyunki inmein aap detailed aur deep information le sakte hain. Maan lijiye aap mental health par research kar rahe hain. Toh ek survey ki jagah personal interview sabse zyada beneficial rahega. Lekin agar aap kisi cheez ka quantitative analysis karna chahte hain jaise customer satisfaction ya rate of population ka toh usmein structured surveys ya questionnaires better rahenge. Yeh jaldi se zyada logon se data collect karne mein humein sahayak rehte hain aur humein yeh pata chalta hai ki kitne percent hamari janta hamare ek product se satisfied hai ya kitni kam hai. Phir aata hai practical aspect. Aapke paas time, budget aur resources kitne hain? Interview karna kaafi time consuming hota hai aur uske liye skilled interviewer chahiye. Jabki online service kaafi had tak interview lene se aasan padte hain aur time bhi ismein kam lagta hai. Ek aur kaafi mahatvapurna cheez hai participant ki accessibility. Aapke paas kitne participants hain? Kya aap unhein reach out aasani se kar paa rahe hain ya nahi? Agar hamara target group jo hai woh kaafi door kisi area mein hai jahan par hum khud directly nahi pahunch sakte toh phir survey ya telephonic interviews best rehte hain. Aur kuch projects mein observation method useful hota hai. Jahan researcher directly environment ya

behavior ko observe karta hai bina participant ko disturb kare hue. Jaise agar hum classroom behavior ya consumer shopping pattern study kar rahe ho toh basically humein apne research goals, participant ke tarike, hamare paas uplabdh resources aur data type ko dhyan mein rakhte hue technique choose karni hoti hai. Ek baar technique decide ho jaaye toh uske ethical implications aur IRB approval ke requirements ko bhi check karna bahut hi mahatvapurna hota hai. Sensitive data ko ikattha karte hue and present karte hue humein kaun si ethical considerations dimaag mein rakhni hoti hain? Bahut achha aapka ek question hai. Jab hum sensitive data collect karte hain ya handle karte hain tab research ke ethical pehlu bahut zyada important hote hain. Sensitive data ka matlab hai aisi information jo kisi vyakti ki personal ya private jeevan se judi hoti hai. Jaise health records, financial details, religious beliefs ya genetic information. Is tarah ke data ko handle karte waqt humein kuch mukhya ethical principles ka paalan karna padta hai. Sabse pehle aur sabse mahatvapurna principle hota hai informed consent. Jaise ki maine pehle bhi bataya tha. Koi bhi aap data collect karne se pehle apne participant ko yeh zaroor bata dein ki hum aapka yeh data collect kar rahe hain aur yeh aapko dena zaroori nahi hota kisi bhi participant ko aur saath hi saath aap unhein yeh bhi batayein ki woh data aap kis tarah se use karne lage hain. Aapki research kya hai aur aap use store kaise karenge. Doosra aata hai confidentiality aur data protection ka principle. Researchers ko ensure karna chahiye ki sensitive data securely store kiya jaaye. Unauthorized access na ho aur data encryption jaise techniques ka use kiya jaaye. Data sirf usi had tak share kiya jaaye jitna research ke liye aavashyak hai. Aur hamesha anonymization karni chahiye ya phir pseudo-anonymization karni chahiye taaki kisi bhi participant ki asal detail kabhi bhi leak na ho. Teesra important aspect hai data minimization. Iska matlab hai ki sirf utna hi sensitive data collect karna chahiye jitna ki hamari research ke liye anivarya hai. Zaroorat se zyada data collect karna ethical violation maana jaata hai. Kyunki isse participants ki privacy bina kisi kaaran ya bina kisi tarike se risk mein pad sakti hai. Chautha vulnerable populations ke prati special dhyan dena chahiye. Jaise bachhe, boodhe vyakti, mentally ill ya economically disadvantaged log. In groups ke saath research karte waqt unke adhar, unki suraksha ko extra protect karna hota hai. Aur unka consent lene ka tarika bhi thoda sa different aur thoda sa support ke saath hona chahiye. Jiske kaaran unki koi bhi privacy, religious beliefs ya personal beliefs kahin se bhi tang na ho. Aur ant mein transparency aur accountability yeh bhi bahut hi zaroori ek hamare paas principle hota hai. Jab bhi hum sensitive data ki baat karte hain. Researchers ko apne data collection process, storage aur uske use ke baare mein poori tarah transparent rehna chahiye. Matlab apne user ko baar-baar batate rehna chahiye ki hum yeh data ka yeh use karne lage hain. Taaki agar kabhi bhi koi dispute aaye toh uska samadhan aasani se ho sake. Agar yeh sab ethical guidelines ka dhyan rakha jaaye toh sensitive data ke saath kaam karte waqt na sirf participants ki suraksha hoti hai balki researcher ki credibility aur integrity bhi bani rehti hai. Interview mein ek prashn poochne ke baad us prashn se aage kaise badhein aur main interview mein kaise-kaise sawaal pooch sakta hoon. Toh interview conduct karna ek kala bhi hai aur ek scientific process bhi hai. Agar aap thoda planning aur preparation pehle hi kar lein toh yeh kaafi aasan ho sakta hai. Main kuch important points aapke saath share karta hoon jo kabhi bhi aapko future mein interview lene mein

madadgaar saabit honge. Sabse pehla step hai interview ka purpose pehle shuru mein hi clear kar dena chahiye. Matlab aapko yeh pehle se pata hona chahiye ki aap ek interview mein se kis tarah ka data aur kaisa data chahte hain. Saath hi saath yeh aap apne user ko bhi pehle hi clear kar dein. Aapko apne interview ke prashn isi hisaab se design karne chahiye jisse aapko pehle hi pata chal jaaye ki aap jo bhi aapka user hai aap uski personal koi anubhav samajhna chahte hain ya phir kisi policy ya ek process ke baare mein jaankari lena chahte hain. Interview mein sawaal aksar teen prakar ke hote hain. Open-ended, closed-ended aur probing questions. Open-ended question hote hain jismein participant apni baat khulkar rakh sakta hai. Jaise aapke anubhav kya rahe is project ke dauran? Closed-ended question short answer ke liye hote hain. Jaise kya aapne is training mein hissa liya tha? Haan ya na. Aur probing question tab use karte hain jab aapko kisi jawaab ko aur detail mein samajhna ho. Jaise is baare thoda aur bataiye. Doosra important point hai active listening. Matlab interview ke dauran sirf apne sawaal poochne par dhyan mat dein balki saamne waale ko sunne mein bhi utna hi dhyan dein. Agar kuch interesting ya unclear lage toh follow up question poochiye. Isse participant ko lagega ki aap sach mein unki baat sunna aur samajhna chahte hain. Ek aur tip hai interview ko conversational banayein. Maane ki batchit karte hue normally jaise doston ke saath kari jaati hai us tarah se banayein. Matlab formal interview ki jagah ek friendly sa atmosphere banane ki koshish karein. Jahan participant ko apni baat rakhne ka poor time mile aur woh bahut aaram se aur confidence ke saath apni baat rakh sake. Aksar interview mein saamne waala thoda sa ghabra jaata hai apni baat ya apne vichaaron ko prastut karne mein. Kabhi-kabhi thoda silence rehne dena bhi useful hota hai. Taaki woh apni baat sochkar express kar sake. Aur haan interview ke end mein hamesha participant ka dhanyavaad karein aur agar zaroorat ho toh unse poochein ki kya unke paas aapke liye koi additional information hai ya koi aapke liye sujhav hai. Isse kya hoga? Ho sakta hai kayi baar jo bhi ek user ke dimaag mein baat chalti hai during answering woh put in nahi kar paata words mein toh woh aapko baad mein bata sakta hai. Secondly aapko uske feedback se khud ko agle interview ke liye sudharne ka bhi mauka milta hai. Toh summary yeh hai ki interview ki taiyari karein, clear aur relevant sawaal banakar wahi poochein aur interview ko ek aaramdayak experience banayein. Iske liye bahut mahatvapurna hai ki aap apne jo bhi user hain unko bahut dhyan se sunlein aur unse izzat se behave karein. Aapke anusaar technology humein data gathering mein kaise help kar sakti hai? Toh aaj ke samay mein technology ne data gathering ke tarikon ko poori tarah se badal diya hai aur in tools ka sahi upyog research ke liye kaafi sahayak, effective, accurate aur scalable ban sakta hai. Sabse pehle baat karein online survey tools ki jaise ki Google Forms, Survey Monkey ya Qualtrics. Inke zariye aap easily customized questionnaires bana sakte hain. Participants ko remotely reach kar sakte hain. Jaise ki hum pehle bhi baat kar rahe the ki koi agar door kisi gaon mein hain jahan par aap khud nahi jaa sakte wahan par aap in forms ya survey ke methods ko use karke pahunch sakte hain remotely. Yeh tools aapko automatic analytics bhi de dete hain jisse aapko time aur effort dono ki bachat ho jaati hai. Doosra important tool hai mobile based data collection apps jaise KoBoToolbox ya ODK. ODK hai Open Data Kit. Inka use remote ya field location mein bahut helpful hota hai. Jahan aapke paas internet nahi bhi ho, wahan bhi aap data offline collect kar sakte hain aur baad mein sync

kar sakte hain. AI aur NLP yaani Natural Language Processing ka use bhi badhta jaa raha hai. Specially kabhi bhi qualitative data ko ikattha ya analyze karne mein. Maan lijiye aapne 100 interviews conduct karein hain toh AI tools aapko yeh madad kar sakte hain ki kuch keywords woh aapko identify karke pehle hi bata dein aur alag-alag categories mein aapke interviews ko woh divide karke bhi de sakta hai. Ek aur major benefit hai data validation aur accuracy. Jab aap digital tools ka use karte hain toh chances human error hone ke bahut kam ho jaate hain. Form validation rules, skip logic aur auto calculation jaise features galtiyon ko aur bhi zyada kam kar dete hain. Agar aap large scale study kar rahe hain toh cloud storage aur centralized dashboards madad karte hain sab data ko securely store karne mein, monitor karne mein aur saath hi saath graphs waghera ke istemal ke saath visualize karne mein bhi. Lekin yeh yaad rakhna bhi bahut zaroori hai ki jab bhi aap technology ka use karte hain tab aapko data privacy, encryption aur informed consent jaise ethical aspects ka bhi dhyan rakhna chahiye. Toh summary yeh hai ki technology aapki data gathering ko na sirf aasan banati hai balki use accurate, fast aur scalable bhi banati hai. Bas zaroorat hai sahi tool ko sahi context mein use karne ki. Agla bhaag hamare paas hai data analysis karne ka aur use samajhne ka. Quantitative analysis ke liye hum bahut saare alag-alag statistical metrics jaise ki average, percentage aur bhi alag-alag graphical methods jisse data samajhna aur darshana hamare liye aasan ho jaaye unka dhyan rakha jaata hai. Ismein kuch metrics hote hain jaise ki mean, median, mode yeh sab bahut hi mahatvapurna ho jaati hain. Jab kisi vishay ki repetition zyada hoti hai. Jis case mein hum mode ka upyog karte hain na ki mean ya median ka. Isi tarah qualitative analysis ke dauran hum alag-alag coding frameworks ka istemal kar sakte hain jo ki humein alag-alag patterns aur themes nikaalne mein kaam aate hain. Aur saath hi alag-alag tools jaise ki Nvivo ka upyog kar sakte hain. Data pre-processing ke liye hum dono methods ka hybrid bhi use kar sakte hain. Matlab ki mixture use kar sakte hain dono hi methods ka jise kehte hain mixed method analysis. Yeh karne ke liye humein inductive aur deductive approaches ko ek saath karna hota hai. Hum saath hi mein triangulation jaisi tarkibon ka upyog kar sakte hain. Jisse hamara nishkarsh aur mazboot ho jaata hai. Qualitative aur quantitative analysis mein farak kya hai? Toh sabse pehle baat karte hain ek quantitative analysis ki. Jaise ki naam se hi samajh mein aata hai. Quantitative matlab jahan par hum quantity ki baat karenge yaani sankhya mein data. Ismein hum numerical data collect karte hain jisse measure, compare ya statistically analyze kiya ja sake. Example ke liye agar aap ek survey kar rahe hain jismein sawaal hai kitne log har hafte exercise karte hain aur options hain 0 din, ek se 2 din, 3 se 4 din ya paanch se adhik din. Toh quantitative data kuch is tarah ka hoga. Is data par aap averages nikaal sakte hain. Percentage dekh sakte hain ya graph ke through yeh visualize kar sakte hain ki kaun sa participant kitne din kaam kar raha hai aur general population mein hamare kaun se kitne din generally zyada tar log exercise karte hain. Ismein tools jaise ki SPSS, Excel ya Python ke statistical libraries use kari jaa sakti hain aur prove karte bhi hain. Doosri taraf aata hai qualitative analysis jo ki aapki quality ke liye baat karta hai. Yaani ki aapke opinions, aapke experiences se deal karta hai. Ismein number se zyada aapke shabdon ka analysis hota hai. Aap interviews par focus karte hain ya open ended survey forms bharnate hain. Jismein users apna response feed karke de dete hain. For example agar aap kisi se poochein aapko

exercise karne ka motivation kahan se milta hai? Toh uska jawaab kabhi bhi numbers nahi hoga. Par ek kuch sentences honge jo use asal mein motivate karte honge. Aise data ko aap thematic analysis coding ya sentiment analysis ke through samajhne ki koshish karte hain. Ab baat karte hain ki hamare paas quantitative aur qualitative data mein farak kya hota hai? Toh jo quantitative data hota hai hamare paas woh generally numerical values mein hoga. Jahan ki jo qualitative data hai woh hamare paas kuch text mein ya phir aapki voice mein hoga. Quantitative data ka jo purpose hai woh yeh hota hai kisi bhi do do ya do se adhik cheezon ko measure ya unko compare karna jahan ki jo aapki qualitative data ki purpose ki baat hai toh woh aapko apne user ko samajhne mein unke jo purane experiences rahe hain unhein samajhne mein zyada sahayak rehta hai. Quantitative data ke liye hamare paas tools aate hain. Jaise ki survey forms ya closed ended questions ya phir kuch statistical softwares jahan ki qualitative data ke liye hamare paas hote hain interviews, open-ended questions survey tools ya aur bhi adhik analysis ke liye hum quantitative mein standard deviation, regression, mean, median, mode ya anya jo bhi hamare paas statistical test hain F test, Chi-square test anya hum unka istemal karte hain aur qualitative ke liye hum thematic, descriptive ya interpretative methods ka use karte hain. Quantitative data analysis ke baad jo hamare paas ek output nikalta hai woh kisi graph, chart ya percentages ki form mein hota hai. Jahan ki jab qualitative data ki baat karte hain toh hamare paas theme codes ya categories banti hain. Toh agar aapko kitna samajhna hai toh quantitative analysis kariye aur agar aapko kyun aur kaise sawalon ko samajhna hai toh aap qualitative analysis adopt karein. Data analysis mein bias avoid karne ke liye researcher kya steps le sakta hai? Toh bias ek aisi cheez hai jo data ko interpretation mein kharab kar sakti hai. Jiski wajah se research hamari doosri hi disha mein jaa sakti hai aur ek misleading research ban sakti hai. Lekin kuch practical strategies hoti hain jinke zariye hum in biases ko identify aur avoid kar sakte hain. Sabse pehle baat karte hain confirmation bias ki. Yeh tab hota hai jab researcher apne preconceived notions ke according hi sirf wahi patterns dhoondta hai jo unke belief ko support karte hain. Isse bachne ke liye hamesha objective hypothesis banani chahiye aur alternate explanations bhi ke upar bhi focus karna chahiye. Doosra hai selection bias. Jab aap data collect karte hain aur aapki sample population ek specific group tak hi seemit hai toh aapke analysis biased ho sakte hain. For example agar aap students ke stress par study kar rahe hain aur sirf toppers ka hi data collect kar rahe hain toh woh data poora ka poora ek student population ko represent nahi kar raha balki sirf toppers ko hi represent kar raha hai. Iska solution hai random sampling technique jiska use hum apni kam se kam sankhya mein zyada se zyada tarike ki population ko cover karne ke liye karte hain. Teesra important bias hota hai measurement bias. Yeh tab hota hai jab tools ya questionnaires accurately data collect nahi karte. Jaise agar survey ke questions leading ya confusing hai toh participants ka response automatically thoda sa ek taraf ko jhuk jayega yaani ki skew ho jayega. Aapko chahiye ki well validated tools ka use karein aur questionnaire design karte samay peer review zaroor karwayein. Analysis ke waqt bhi kuch steps follow kiye jaa sakte hain. Blinding techniques ka use kiya jaa sakta hai. Jismein data analyze karne waale ko participant identity ya hypothesis ka pata nahi hota. Isse unka jo judgment rahega woh hamesha neutral rahega. Aapko apne analysis ke assumptions ko transparently document karna chahiye.

Agar aap koi statistical model apply kar rahe ho toh uske peeche ki reasoning, uske peeche ki reasoning clear honi chahiye aur sabse important multiple research ya team members milkar data analyze karein taaki personal bias minimize ho jaaye. Aajkal kayi AI/ML tools bhi aate hain jo bias detection karne mein humein kaafi madadgaar saabit hote hain. Yeh tools outlier detection, correlation misinterpretation aur variable weighting jaise issues flag kar sakte hain. Bias ko avoid karne ka koi ek formula nahi hai. Lekin aap agar ethically committed hain aur objective, diverse aur validated methods ka istemal karte hain toh aap apne analysis ko kaafi had tak unbiased bana dete hain. SPSS aur Nvivo jaise tool data gathering mein hamari madad kaise karte hain? Toh yeh hamare paas kuch aise jaane maane tools hain jaise R, SPSS, Nvivo jo humein data ikattha karne mein hi kaam nahi aate balki inko analyze karne mein bhi kaam aate hain. R, SPSS ya Stata yeh saare tools hamare data ko analyze aur visualize karne mein kaam aate hain. Aur Nvivo jaise tools humein qualitative data ko analyze karne mein kaam aate hain. Toh aaj ke is panel discussion mein hamare paas yahi tha jismein humne jaana ki IRB kya hota hai? Data gathering kya hoti hai? Aur data analysis kya hoti hai? Hum aasha karte hain ki aapko yeh teeno alag-alag stages ek research ki samajh aa gayi hongi. Dhanyavaad.